

Leechtermeer

Wenn et düster weed,
de Sonn fröher ungerjeiht,
du dat Jeföhl häs, dat et öm dich röm
immer kälder weed.

Drieh die Uhr zorück
op die schöne Zick,
wo jesunge wood un dann der Boum jeschmück.

Un die Stadt weed kalt,
die Naach es stääneklor.
Un mer treffe uns am selve Oot wie jedes Johr.
Lommer zesamme ens jet maache ,
dat der Siel jot deiht.
Jedes Leed kann wie e Leech sin in der Dunkelheit.

Mer sin hück Naach Million Stääne.
Mer sin hück Naach e Leechtermeer.
Ne Stään allein is klein schwach, doch mer zesamme
mer sin dat jrosste Leechtermeer der Stadt.

Mer sin hück Naach Million Stääne.
Mer sin hück Naach e Leechtermeer.
Ne Stään allein is klein schwach, doch mer zesamme
mer sin dat jrosste Leechtermeer der Stadt.

Manchmol es Leed wie e janz klein Leech.
Un et zaubert Stääneoure in et Kinderjeseech.
Oh wie schön dat klingk,
wenn mer zesamme singk.
Un dat es janz genau, wat uns hück Naach verbingk.

Mer sin hück Naach Million Stääne.
Mer sin hück Naach e Leechtermeer.
Ne Stään allein is klein schwach, doch mer zesamme
mer sin dat jrosste Leechtermeer der Stadt,
dat jrosste Leechtermeer der Stadt.

Hück naach soll et Stääne räane,
denn unsre Stäänestund es jetz.
Un wenn mir zesamme singe,
dann weed et hell en jedem Hätz.

Mer sin hück Naach Million Stääne.
Mer sin hück Naach e Leechtermeer.
Ne Stään allein is klein schwach, doch mer zesamme,
mer sin dat jrosste Leechtermeer der Stadt.

Mer sin hück Naach Million Stääne.
Mer sin hück Naach e Leechtermeer.
Ne Stään allein is klein schwach, doch mer zesamme,
mer sin dat jrosste Leechtermeer der Stadt,
dat jrosste Leechtermeer der Stadt,
dat jrosste Leechtermeer der Stadt.